

# Layan kucing bagai 'raja'

■ Pemilik pulang beraya hantar peliharaan menginap hotel eksklusif



PEMILIK Errul Catscare Palace, Yong Seluwati Alias, 41, memintai kucing yang diletakkan di premisnya.



Garret Dawum  
garret@hmetro.com.my



KHAIRUL Ahmad Saffar, 34, membersihkan tempat kucing.

Mohd Affandi, 31, berkata, hotel kucingnya yang terletak di Subang Bestari sudah menerima 134 tempahan untuk meletakkan kucing sejak awal Ramadan.

"Tidak sangka permintaan sangat tinggi sehingga saya terpaksa menolak 10 hingga 20 kucing kerana tidak mahu mengambil risiko, ditambah risau tempat tidak mencukupi. "Hotel saya hanya mem-

**"Caj dinaikkan RM2 berbanding hari biasa Tengku Nuruddeen Tengku Mohd Affandi"**

punyai kira-kira 48 sangkar dan semuanya dibersihkan dua kali seminggu," katanya ketika ditanya mengenai kedai kucing miliknya.

Katanya, setiap kucing yang dihantar ke hotel itu akan dikenakan caj RM15 sehari dengan makanan dan minuman disediakan oleh pihaknya.

"Caj ini dinaikkan RM2 berbanding hari biasa. Semasa Hari Raya nanti, kami akan dibantu oleh tiga lagi kakitangan untuk menjaga kucing.

"Alhamdulillah, permintaan yang tinggi sempena Hari Raya membuatkan kami meminta pelanggan menghantar ke cawangan kedua yang terletak di Puncak Alam.

"Di sana, lebih kurang 60 kucing boleh ditempatkan. Untuk penghantaran, pelanggan boleh menghantar kucing seawal 4 Julai ini dan kami menyediakan perkhidmatan jagaan sementara sehingga dua minggu," katanya.

Sementara itu, isterinya Aina Mardiah Adzmi, 31, berkata, kedai milik bersama

## Beraya jaga 'si bulus'

**Subang:** Sambutan Aidilfitri kali ini menjadi tahun ketujuh Yong Seluwati Alias, 41, dan suami, Khairul Ahmad Saffar, 34, meraiikannya bersama 'si bulus' di hotel kucing milik mereka di Pusat Perdagangan Subang Permai.

Menurut Yong, raya bersama kucing tidak menjadi masalah kerana semua itu adalah tanggungjawab dan atas dasar kasih terhadap kucing.

"Demi kesejahteraan dan kemudahan pelanggan, kami tidak kisah untuk tidak pulang beraya di kampung halaman. "Lagipun, kami sayang dan cinta kepada kucing dan menjadi tetamu kerana semua pemilik mereka pulang bercuti," katanya di Erul Catscare Palace di sini.

Menganggap kucing yang dihantar ke pusat jagaan itu juga seperti anak sendiri, katanya, makanan, minuman dan pasir akan disediakan oleh pihaknya.

"Sebab itu, kami mengenakan caj RM20 sehari bagi setiap kucing. Namun, kami juga memberi kelonggaran kepada pemilik untuk menyediakan makanan kucing sendiri kerana risau makanan yang kami bekalkan tidak sesuai dengan kucing yang dihantar.

"Kali ini, kami hanya mengambil 150 kucing untuk dijaga dan ia perlu divaksin oleh pemiliknya dengan penghantaran

bermula 4 Julai ini. "Makanan dan minuman pula akan diberikan sebanyak dua kali sehari," katanya sambil memberitahu sudah mendapat 110 tempahan.

Yong Seluwati yang juga peguam berkata, idea untuk membuka pusat penjagaan kucing tercetus ketika Aidilfitri 2010.

"Ketika itu, saya mempunyai lebih 20 kucing dan setiap kali balik kampung di Perak untuk perayaan, saya membelanjakan sekurang-kurangnya RM2,000 untuk ditinggalkan di pusat penjagaan kucing," katanya.

"Semakin hari, saya fikir kos akan meningkat jika kucing saya bertambah, jadi saya terfikir untuk membuka pusat penjagaan kucing," katanya.

Dalam pada itu, Khairul berkata, mereka tidak boleh mengambil lebih daripada 150 ekor kerana turut memiliki 70 ekor kucing sendiri pelbagai jenis.

"Pelanggan juga kini boleh menghantar kucing untuk penginapan sementara di dua kedai kami yang terletak di Seksyen 13, Shah Alam dan Desa Coalfields, Sungai Buloh," katanya.

Selain Hari Raya, kata Khairul, mereka juga memberikan penjagaan kucing kepada mereka yang menunaikan umrah dan mengerjakan haji.

itu sudah dijalankan hampir dua tahun. "Perniagaan ini dilakukan kerana minat. Sebab itu, Ai-

dilfitri tahun kedua ini kami masih menerima pelanggan yang menghantar kucing untuk dijaga.

"Kucing itu sudah kami anggap sebagai ahli keluarga dan sanggup beraya bersama mereka," katanya.

### Bilik hotel kucing Syukri & ZulErwan Cat Hotel and Shop



Jenis Bilik: Suite  
Bilangan Bilik: 5 bilik  
Bilangan kucing: 7 ekor sebilik  
Kemudahan: Berhawa dingin, makanan, minuman dan taman permainan kucing  
Harga: RM55 untuk dua ekor kucing



Jenis Bilik: Deluxe  
Bilangan Bilik: 12 bilik  
Bilangan kucing: 3 ekor sebilik  
Kemudahan: Berhawa dingin, makanan, minuman dan taman permainan kucing  
Harga: RM35 untuk seekor kucing dan tambahan RM10 untuk kucing ketiga dan seterusnya



Jenis Bilik: Superior  
Bilangan Bilik: 27 bilik  
Bilangan kucing: 2 ekor sebilik  
Kemudahan: Makanan, minuman dan pasir  
Harga: RM22 untuk seekor kucing dan tambahan RM10



Jenis Bilik: Standard (Medium Cage)  
Bilangan Bilik: 25 bilik  
Bilangan kucing: 1 ekor sebilik  
Kemudahan: Makanan, minuman dan pasir  
Harga: RM18 untuk seekor kucing